


金剛般若波羅密經 卷上





叙

從古聖人之書皆所以垂教也。而統智
愚聖凡胎卵濕化而胥度之者莫如金
剛經。是經也以無念為宗。以離相為旨。
以斷除貪妄為功夫。以清淨涅槃為究
竟。誠昏衢之巨燭。苦海之慈航也。自西
域傳入中華。上自王侯紳士。下迄牧豎

余

樵夫靡不家置一編頂禮而供奉之較
四書六經倍加尊重然雖明衣潔裳淨
體端容敲碎木魚而口之所誦非心之
所知目之所睹非意之所會如入暗室
不見一物如遊蠻邦莫辨何言亦安能
起大堅固生大智慧而臻無上菩提之
岸哉門下士黃子正元憫世人但誦經

文不曉經義請直解於予予瞿然曰此
經為我佛之傳燈微妙秘密予何人
斯敢以彭蠡之見妄測高深哉黃子請
甚力不獲辭因節取昔賢之論而增損
之課叅已見而串合之前載註語既字
詮而句釋後列講旨復縷晰而條分或
過通下卷不凌不躐或回顧上意不漏

余

不遺。務使口吻順適。脉絡貫通。俾誦者
對其文。曉其義。如親歷祇樹園中。見
佛與空生。娓娓問答。向之在暗室者。處
處開明。向之遊蠻邦者。言言盡解。亦一
大快事也。蓋佛書談空。儒書言實。解佛
之書。以解儒書者。解之則理順詞通。後
學之人。一見了然。易於遵循。若於經中

之章節問答起伏聯貫處概置不講而
多引棒喝堂叅之語以作訓詁如鏡中
花探之不得如水中月捉之不能揆之
我佛傳經之心斷不如是茲刺毒世
必有尋文究義而得阿耨多羅三藐三
菩提者黃子之功將與佛土並永豈特
勝於三千大千世界七寶以用布施者

余

哉

皆

龍飛乾隆元年律次夾鐘之月純陽子
沐手敬序



吳門弟子穆大展沐手刻

金剛經啟請

若有人受持金剛經者。先須至心。念
淨口業真言。然後啟請八金剛。四菩
薩名號。所在之處。常當擁護。

淨口業真言。

修利修利。摩訶修利。修修利。薩
婆訶。

啟言

淨三業真言

唵

娑

梭音 嚩

娃音 婆

嚩

祇

度

述音 馱

娑

嚩

達

摩娑嚩

婆

嚩

祇

度

陀音 憾

酣音

安土地真言

南無

三

滿

多

母

馱

喃

唵

度

嚩

度

嚩

地

寨音

尾

娑

婆

訶

普供養真言

唵

誡

音耶

誡

曩

曩上聲

上

三

婆

嚩

囉

訶

音娃

日

音子

囉

音搥

斛

音吽

奉請

八

金

剛

奉請

青

除

災

金

剛

奉請

辟

毒

金

剛

奉請

黃

隨

求

金

剛

奉請

白

淨

水

金

剛

文青

啟請

奉請赤聲火金剛。

奉請定持災金剛。

奉請紫賢金剛。

奉請大神金剛。

奉請四菩薩。

奉請金剛眷菩薩。

奉請金剛索菩薩。

奉請金剛愛菩薩。
奉請金剛語菩薩。

發願文

稽首三界尊。皈依十方佛。
我今發弘願。持此金剛經。
上報四重恩。下濟三塗苦。
若有見聞者。悉發菩提心。

啟請

盡此一報身。同生極樂國。

云何梵

云何得長壽。

金剛不壞身。

復以何因緣。

得大堅固力。

云何於此經。

究竟到彼岸。

願佛開微密。

廣為衆生說。

開經偈


無上甚深微妙法。
百千萬劫難遭遇。
我今見聞得受持。
願解如來真實義。

啟
師



金剛般若波羅密經直解

卷上



註。金剛。金中之剛。利而能斷之意。般若。智慧也。波羅密。到彼岸也。即諸佛菩薩。超脫究竟之地。經。徑也。言此經為修行之徑路也。

法會因由分第一

說法聚會
由此起因

如是我聞。一時佛在舍衛國祇樹給

岐音

孤獨園。與大比丘衆千二百五十人俱。
爾時世尊。食時著音酌衣持鉢。音撥入舍衛
大城。乞食於其城中。次第乞已。還至本
處。飯食訖。收衣鉢。洗足已。敷座而坐。
註。如是指全經而言。我阿難自稱也。
言此經之所云。乃我親聞於佛者也。
佛教主之稱。舍衛國波斯匿王所居。

樹為匿王太子祇陀手種。故曰祇樹。
給孤獨名。須達拏。樂善好施。人皆稱
為給孤獨長者。須達深重佛教。向祇
陀借園建精舍。用黃金布地。請佛說
法。故佛常住園中。比丘乞士也。上乞
法於諸佛菩薩。下乞食於善信之謂。
世尊佛號也。三界共仰之意。敷排布

也。

講阿難說我向者。嘗聞我佛如來在舍衛國祇樹給孤獨長者園中。座下乞士共一千二百五十人。時方正午。當進食之際。佛乃著和柔忍辱之衣。持四天王所獻之鉢。率諸大衆。於舍衛城中乞食。不越貧而從富。不捨賤。

而從貴。平等無相。次第乞已。還至園中。飯食訖。收衣鉢。洗足畢。排布高座而坐焉。

善現啟請分第二

善現長老
啟請佛訓

時長老須菩提。在大衆中。即從座起。偏袒右肩。右膝著地。合掌恭敬。而白佛言。希有世尊。如來善護念諸菩薩。善付囑

諸菩薩。世尊。善男子。善女人。發阿耨多羅三藐三菩提心。云何應住。云何降伏其心。佛言。善哉。善哉。須菩提。如汝所說。如來善護念諸菩薩。善付囑諸菩薩。汝今諦聽。當為汝說。善男子。善女人。發阿耨多羅三藐三菩提心。應如是住。如是降伏其心。唯然。世尊。願樂魚教。

切
欲聞。

註長老。年高有德之稱。梵語。須菩提。
華言。善現。一名空生。左為邪道。右為
正道。故偏袒右肩。右膝著地。合掌心
合於道。道合於心也。白啟也。希。少也。
希有世尊。先歎其少有。又呼佛號也。
下倣此。如來。佛之通稱。謂真性自如。

隨所來而現也。菩覺也。薩情也。義理
先具。能覺一切有情之意。阿無也。耨
多羅上也。三正也。藐等也。三菩提正
覺也。云何應住者。言此心當住於何
處諦詳審也。唯然既諾而復是其言
也。

講。當佛敷座而坐之時。有長老名須

菩提者。於大衆中。從座而起。袒其右
肩。屈其右膝。合掌恭敬。白佛言。曰。希
有哉。世尊。座下諸菩薩。有一千二百
五十人。不為不多。倘如來不護持眷
念。俾信受是法。則外誘得以擾亂之
矣。不付諄囑託。俾奉行是法。則宗傳
有時而斷絕矣。但真性雖人同具。而

妄念未易消除。三千大千之內。若有
善男子。善女人。發無上正等正覺之
心者。此心當住於何處。方得降伏其
妄念乎。佛曰。善哉。善哉。須菩提。汝云。
如來。善教諸菩薩。此言深合我心。汝
其詳審靜聽。當為汝說。除妄之道。世
間若有善男子。善女人。發無上正等

正覺之心者。當絕去外緣。一塵不染。念念常住清淨。則能自見其性。而降伏其心矣。維時須菩提。心開意解。曰。唯。曰。然。曰。世尊。曰。願樂欲聞。極致其領會。而讚歎焉。

大乘正宗分第三

竅大之乘
至正之宗

佛告須菩提。諸菩薩摩訶薩。應如是降

金剛經

卷上

伏其心。所有一切衆生之類。若卵

鸞上聲

生。若胎生。若濕生。若化生。若有色。若無

色。若有想。若無想。若非有想。非無想。我

皆令入無餘涅槃。

音盤

而滅度之。如是滅

度。無量無數無邊衆生。寔無衆生得滅

度者。何以故。須菩提。若菩薩有我相。人

相。衆生相。壽者相。即非菩薩。

註摩訶薩梵語也。即華言心體廣大。不可測量之意。卵生。禽鳥也。胎生。人與獸也。濕生。水中鱗介也。化生。蠅蚊等類也。有色。謂但有色身。而無情欲也。無色。謂但有靈識。而無色身也。有想。方寸之中。尚有計慮也。無想。靜涵萬有。一念不動也。非有想。非無想。雖

一念不動。不似木石之無知也。後五者。皆天上之人。無餘。此外無餘也。湮。不生也。槃。不死也。滅度者。滅盡一切諸相。而度化之也。

講。須菩提。聞佛所說。心意開解。佛於是復告之曰。須菩提。諸菩薩性量廣大。應如是降伏其心。固已。然我之心。

即人物之心。所有一切衆生之類。若
世間之卵生。胎生。濕生。化生。天上之
有色。無色。有想。無想。非有想。非無想。
雖品類不同。見地各異。我皆令其不
生不死。消滅其種種諸相。而度化之。
使之亦如是降伏其心焉。如是無盡
量。無數目。無邊界之衆生。悉皆滅度。

亦衆生之自滅。自度。於我何功哉。所以者何。蓋衆生之滅度。若歸功於我。則此心便有所著。而不免於四相之累矣。如心著於貪一邊。則為已計私。而有我相。心著於瞋一邊。則分別爾汝。而有人相。心著於癡一邊。則願生諸天。而有衆生相。心著於愛一邊。則

希冀長年。而有壽者相。有此四相。尚得謂之菩薩乎。

妙行無住分第四

奧妙之行
本無住著

復次。須菩提。菩薩於法。應無所住。行於
布施。所謂不住色布施。不住聲香味觸
法布施。須菩提。菩薩應如是布施。不住
於相。何以故。若菩薩不住相布施。其福

德不可思量。須菩提。於意云何。東方虛
空。可思量不。音不也。世尊。須菩提。南西
北方。四維上下虛空。可思量不。不也。世
尊。須菩提。菩薩無住相布施。福德亦復
如是。不可思量。須菩提。菩薩但應如所
教住。

註。復次。謂再編次。佛與須菩提。問答。

之言也。菩薩於法之法。指心與身之所運用。酬酢者而言。住。執著也。布。普也。施。散也。色。形像。聲。音樂。香。芬芳之氣。味。烹炮之品。觸。動也。或云。男女之欲。亦通法者。事物之則也。諸法皆緣心生。故屬於意。

講佛承上無相之義。又告須菩提曰。

菩薩於一切心之所運用。身之所酬酢者。皆當無所住著。而布施為尤甚。何也。凡夫布施。往往希求利益。如目之於色。耳之於聲。鼻之於香。舌之於味。身之於觸。意之於法。一不如其所欲。則必布施。以求快其所欲。此住相布施也。菩薩六根清淨。無諸欲之求。

惟以法施利益一切衆生。如水在地中。行所無事。所謂不住相布施也。須菩提。菩薩布施。必須如是。無六塵之累。方為真布施。方獲大利益。此何故哉。蓋財施為凡。法施為聖。菩薩無住相布施。毫無希冀之心。縱脫生死苦。受大快樂。歷萬劫而不毀。超三界以

長存。其福德雖大。亦聽其自然。寔不可思維較量。以一經思量。則此心便住於相。而福德反小矣。夫福德固不可思量。而思量亦屬無益。吾試問爾東方虛空。可謂大矣。爾思量不。須菩提曰。此等虛空之處。想之何用。吾不思量也。佛又曰。南西北方。四維上下。

虛空尤為大矣。爾思量不。須菩提曰。此等虛空之處。想之亦無用。吾不思量也。佛曰。爾知虛空不可思量。則知菩薩之無住相布施。其福德亦如虛空一般。斷不可思量也。但須依吾之教。心住於無相。則自獲超證矣。

如理實見分第五

自如之理
乃見真實

須菩提。於意云何。可以身相見如來不。
不也世尊。不可以身相見如來。何以故。
如來所說身相。即非身相。佛告須菩提。
凡所有相。皆是虛妄。若見諸相非相。即
見如來。

註於意云何。發問之詞。身相謂現具
之色身。見猶看也。非相見之見。

講佛謂須菩提曰。汝知福德不可思量。則布施當不住於相明矣。豈獨布施為然哉。即吾現具之形體亦非真寔。吾試問爾可以執四大色身。遂謂如來在是不。須菩提曰。色身滯於官骸。佛與凡夫無異。殆不可以身相見如來也。何以故。佛以法為身。清清淨

淨如太虛之不著形迹。雖有身相。而
寔無身相。今如來所說身相。是法身。
非色身也。法身可見如來。色身豈可
見如來乎。佛曰。須菩提。爾之言是也。
凡人所有之相。皆屬虛妄。虛則不寔。
妄則不真。以不寔不真之相。欲見如
來。譬若認外寇作家人。終無是處。若

人能見諸相非相。則見色身中有法身。而如來在是矣。

正信希有分第六

生正信心
眾為希有

須菩提。白佛言。世尊。頗有衆生。得聞如是言說章句。生寔信不。佛告須菩提。莫作是說。如來滅後。後五百歲。有持戒修福者。於此章句。能生信心。以此為寔。當

知是人。不於一佛二佛。三四五佛。而種
善根。已於無量千萬佛所。種諸善根。聞
是章句。乃至一念生淨信者。須菩提。如
來悉知悉見。是諸衆生。得如是無量福
德。何以故。是諸衆生。無復我相。人相。衆
生相。壽者相。無法相。亦無非法相。何以
故。是諸衆生。若心取相。即為著我人衆

生壽者。若取法相。即著我人衆生壽者。
何以故。若取非法相。即著我人衆生壽
者。是故不應取法。不應取非法。以是義
故。如來常說。汝等比丘。知我說法。如筏
喻者。法尚應捨。何況非法。

註。如是言說章句。指上數章而言。五
百歲約舉之詞。言其遠也。持戒諸惡

莫作修福衆善奉行。以此為寔。確信不疑也。種善根。即持戒修福之意。淨信者。心常清淨。而篤信之也。如來悉知悉見。心合於佛。佛合於心也。無法相。萬法皆空。無非法相。外緣悉淨。如來常說云者。蓋古佛有是語。而佛復述之也。筏船也。喻譬也。佛法濟渡衆

生。譬以船渡人也。

講。須菩提。恐佛滅後。傳法無人。後來
衆生。未能生信。故白佛曰。世尊。以大
慈之心。著希有之論。座下諸比丘。固
莫不尊奉矣。倘佛涅槃之後。後來衆
生。得聞如是言說章句。未知亦能生
寔信之心否。佛曰。須菩提。性體常明。

心燈不滅。爾莫作是說也。蓋此言說章句。至微至妙。即如來滅後。至五百餘歲之遠。猶有持淨戒修天福之人。以此為真寔妙諦。而確信不疑者。夫能確信於五百餘歲之後。則其善根必預種於五百餘歲之前。當知是人。不於一佛二佛。三四五佛。而種善根。

已於無量千萬佛所種諸善根。見佛多。聞法多。修行多也。不但持戒修福者。善根不可勝記。即世間衆生。聞是章句。乃至一念之間。生淨信心。此心便與如來相合。如親受教於如來一般。如來佛慧佛眼。悉知之。而悉見之。是諸衆生。所得福德。如是無量。此故

何哉。蓋已得生法二空之妙義。故也。是諸衆生。雖止一念淨信。而此一念已無復有我相人相。衆生相壽者相。是生空也。無法相。亦無非法相。是法空也。生法二空。其義云何。蓋不著相也。是諸衆生。若心取相。即為執生。便著我人衆生壽者。若取法相。即為執。

法。便著我人衆生壽者。若取非法相。亦為執法。亦著我人衆生壽者。生相固不可執。法與非法。亦不可執。如此。是故持戒修福之人。須令此心空空洞洞。一物不有。不應取法相。亦不應取非法相。此種義理。實為微妙。所以古之如來。常謂大衆曰。爾等諸比丘。

知我以法度人。譬如以筏濟渡人。既
登岸。筏即無用。人能了悟。法亦無用
矣。由此觀之。法尚應捨。何況非法之
外道乎。

無得無說分第七

空則無得
寂則無說

須菩提。於意云何。如來得阿耨多羅三
藐三菩提耶。如來有所說法耶。須菩提。

言如我解佛所說義。無有定法名阿耨
多羅三藐三菩提。亦無有定法。如來可
說。何以故。如來所說法。皆不可取。不可
說。非法。非非法。所以者何。一切賢聖。皆
以無為法。而有差雌音別

註得阿耨多羅三藐三菩提耶者。了
却真空。無定法可得也。有所說法耶。

者。因人而教。無定法可說也。不可取。
不可以色相取。不可說。不可以口舌。
說非法。雖有而却無。非非法。雖無而。
却有。皆以之以字。作用字解。

講。佛告須菩提曰。吾教固以無上菩。
提為第一義。然或由持戒而得之。或。
由禪定而得之。功夫不同。獲效各別。

爾之意。以為如來。於無上菩提。有一
定之法。可得耶。佛門廣大。固不擇人
而教。然智者。與之言深。愚者。與之言
淺。資秉不齊。施誨亦異。爾之意。以為
如來。有一定之法。可說耶。須菩提答
曰。如我解佛所說義。知佛以無上菩
提之義。自修。無一定之法。可名。以無

上菩提之義教人。亦無一定之法可說也。何以故。如來所說之法。可以性修。而不可以色相取。可以心悟。而不可以口舌說。以為有法耶。雖有而不滯於有。以為無法耶。雖無而不淪於無。此所以無一定之法可得也。所以者何。法本無為。自古賢聖。皆用無為。

之法誨人。而淺者見淺深者見深。不能不有差別。此所以無一定之法可說也。

依法出生分第八

諸佛之法
依此生出

須菩提。於意云何。若人滿三千大千世界七寶。以用布施。是人所得福德。寧為多不。須菩提言。甚多。世尊。何以故。是福

德。即非福德性。是故如來說福德多。若
復有人。於此經中受持。乃至四句偈。音
等。為他人說。其福勝彼。何以故。須菩提。
一切諸佛及諸佛阿耨多羅三藐三菩
提法。皆從此經出。須菩提。所謂佛法者。
即非佛法。

註。普天之下。謂之小世界。一千小世

界謂之小千。一千小千世界。謂之中
千。一千中千世界。謂之大千。其寔一
大千耳。斯為三千大千世界。七寶琉
璃。玻瓈。珍珠。瑪瑙。珊瑚。金。銀。福德。修
布施之德。享現在之福。福德性。修性
中之德。性彌六合。其受福亦如是也。
四句偈。當指無我相。人相。衆生相。壽

者相。方有著落。謂此偈不必說破者。
似屬空滑不可從。

講前言法無為矣。佛意欲顯無為之
福。乃先與之論有盡之福。因設問曰。
須菩提。於意云何。若有人於此。用三
千大千世界之七寶。以為布施。是人
所得福德。寧為多否。須菩提曰。凡人

布施原欲希求利益。所得福德豈有
不欲其多。但所得者身外之福德。而
非性中之福德也。何以故。聚寶布施
不過借物。而修物有限。而其福德亦
有限。非性中之福德可比。然如來猶
諄諄以是人之福德為問者。以彼所
得雖多。猶可以數計故也。佛曰。須菩

提爾言誠然也。藉物而修。不若率性而修。而修性之法。不外此經。若復有人於此經中。受之不忘於心。持之不厭其久。乃至四句偈等。為他人宣說。不但覺一己之性。且將覺億萬人之性。其福德豈不勝彼布施之福德乎。何以故。蓋此經乃修行之徑路。凡一

切諸佛及諸佛。無上菩提之法。皆從此出。夫無上菩提之法。即佛法也。而佛法。豈可泥乎。所謂佛法者。本來無有。不過假此開悟衆生耳。寧有真寔之佛法哉。

一相無相分第九

只此一相
本自無形

須菩提。於意云何。須陀洹。

音完能作是念。

我得須陀洹果不。須菩提言。不也。世尊。
何以故。須陀洹。名為入流。而無所入。不
入色聲香味觸法。是名須陀洹。須菩提。
於意云何。斯陀含。能作是念。我得斯陀
含果不。須菩提言。不也。世尊。何以故。斯
陀含。名一往來。而實無往來。是名斯陀
含。須菩提。於意云何。阿那含。能作是念。

我得阿那含果不。須菩提言。不也。世尊。
何以故。阿那含。名為不來。而寔無不來。
是故名阿那含。須菩提。於意云何。阿羅
漢。能作是念。我得阿羅漢道不。須菩提
言。不也。世尊。何以故。寔無有法。名阿羅
漢。世尊。若阿羅漢作是念。我得阿羅漢
道。即為著我人衆生壽者。世尊。佛說我

得無諍三昧。人中最為第一。是第一離
欲阿羅漢。世尊。我不作是念。我是離欲
阿羅漢。世尊。我若作是念。我得阿羅漢
道。世尊。則不說。須菩提。是樂阿蘭那行。
聲恒去者。以須菩提。寔無所行。而名須菩
提。是樂阿蘭那行。

註。能作是念。謂尚萌得道之念也。前

四我字。乃代須陀洹等。設想之詞。非
佛自稱也。梵語。須陀洹。華言預流。謂
初入真流也。梵語。斯陀含。華言一來。
謂色身一住天上。一生人間也。梵語。
阿那含。華言不來。謂不來受生慾界
也。梵語。阿羅漢。華言無生。謂相滅生
盡也。無諍。毫無爭競之意。梵語三昧。

華言正見。謂遠離邪見也。樂好也。阿
蘭那。即無諍也。樂阿蘭那行者。蓋佛
嘗有是語。而須菩提舉以為証也。

講前言無為之法。不可取。不可說。則
諸菩薩修行。俱當以無念為宗。而不
可存得果之心。故佛設問曰。吾教大
衆修阿羅漢道者。大約有四等。曰須

陀洹。曰斯陀含。曰阿那含。曰阿羅漢。
用功不同。得果亦異。須菩提。於意云
何。須陀洹。當修行之時。若預作得果
之念。便得須陀洹果否。須菩提曰。不
也。世尊。何以故。須陀洹得預聖人之
流。名為入流。而心無所得。不著入流
之相。不入色聲香味觸法之六塵境。

界。謂之須陀洹。其以是與。佛曰。須菩
提。於意云何。斯陀含。當修行之時。若
預作得果之念。便得斯陀含果否。須
菩提曰。不也。世尊。何以故。斯陀含。色
身一往。住天上。一來生人間。雖曰。一
往一來。而心無所得。不著生滅之相。
寔無欲阿羅漢者。以我不存得果之

念故也。若我稍存得果之念。謂我可
以得阿羅漢道。則此心便有所著。世
尊不應稱我為樂阿蘭那行者矣。以
我樂阿蘭那行。而寔無所行。故佛深
契之。而以樂阿蘭那行名之也。則凡
欲得果者。可不去其所得之心哉。

莊嚴淨土分第十

成就莊嚴
淨明心地

佛告須菩提。於意云何。如來昔在然燈佛所。於法有所得不。不也。世尊。如來在然燈佛所。於法寔無所得。須菩提。於意云何。菩薩莊嚴佛土不。不也。世尊。何以故。莊嚴佛土者。即非莊嚴。是名莊嚴。是故須菩提。諸菩薩摩訶薩。應如是生清淨心。不應住色生心。不應住聲香味觸

法生心。應無所住。而生其心。須菩提。譬
如有人。身如須彌山王。於意云何。是身
為大不。須菩提言。甚大。世尊。何以故。佛
說非身。是名大身。

註。如來佛自稱也。然燈佛。釋迦牟尼。
授記之師。一大世界。必有一佛設化。
故曰。佛土莊嚴。如寫經造寺。供養布

施之類。是故須菩提。諸菩薩。皆概稱也。應無所住而生其心者。謂心當住於無所住處也。須彌山。高廣三百三十六萬里。為衆山之王。非身法身也。乃如如不動之真心。講前須菩提自言。所證之果。既不存得心矣。佛終恐其所得之心未盡。故

又從而點化之曰。須菩提。於意云何。
爾謂我昔日。在然燈佛所。受記於法。
有所得否。須菩提曰。不也。世尊。如來
一心清淨。雖在然燈佛所。受記於法。
寔無所得也。佛曰。一大世界。必有一
佛設化。故謂之佛土。不知菩薩居是
土。亦寫經造寺供養布施。使佛土莊

嚴否。須菩提曰。不也。世尊。莊嚴不過外相。於自性無涉。菩薩必不為此也。何以故。蓋佛土即淨土也。淨土不事修飾。所謂莊嚴者。非真莊嚴也。不過虛名為莊嚴而已。是故吾教之須菩提。諸菩薩。雖性量廣大。俱應如是生清淨之心。清淨云何。不應住於有形

色者而生心。不應住於有聲音馨香
滋味及觸與法而生心。惟應屏絕六
塵於無所住處而生其心也。佛又曰。
須菩提。譬如有人身似須彌山王。爾
之意以為大否。須菩提曰。甚大。世尊。
但此身雖大。究不足為大。何以故。凡
有形相者。皆屬有盡。色身縱如須彌。

山王。畢竟還有生滅。必如佛所說之
非身。方可名為大身耳。夫非身者。法
身也。即真心也。可以色太虛藏世界。
豈僅如須彌山王而已哉。

無為福勝分第十一

修無為福
勝於布施

須菩提。如恒河中所有沙數。如是沙等
恒河。於意云何。是諸恒河沙。寧為多不。

須菩提言甚多。世尊。但諸恒河尚多無
數。何況其沙。須菩提。我今寔言告汝。若
有善男子。善女人。以七寶滿爾所恒河
沙數。三千大千世界。以用布施。得福多
不。須菩提言甚多。世尊。佛告須菩提。若
善男子。善女人。於此經中。乃至受持四
句偈等。為他人說。而此福德。勝前福德。

註。恒河周四十里。在西土。人所共見。故佛取以為喻。等同也。

講前第八分。言三千大千世界七寶。以用布施。不如持經。佛又推廣其義。而言曰。須菩提。恒河周四十里。可謂大矣。其中所有沙數。難以悉計。若一沙各為一河。俱等於恒河之大。爾之

意以為此諸恒河之沙。寧為多否。須
菩提曰。甚多。世尊。一沙即為一河。一
河各有其沙。河尚無數。何況其沙乎。
佛曰。須菩提。我今寔言告汝。若有善
男子。善女人。將七寶滿爾所說恒河
沙數。三千大千世界。以用布施。是人
得福。可云多否。須菩提曰。甚多。世尊。

佛曰。布施得福。雖多。究竟不若持經。
若善男子。善女人。於此經中。乃至四
句偈等。非特受持。自見其性。且為他
人解說。使之亦見其性。則彼此共證
無上妙道。此種福德。視彼七寶布施
福德。豈不相懸萬萬乎。

尊重正教分第十二

受持正教
天人尊重

復次。須菩提。隨說是經。乃至四句偈等。
當知此處。一切世間天人阿修羅。皆應
供養。如佛塔廟。何況有人。盡能受持讀
誦。須菩提。當知是人。成就最上第一希
有之法。若是經典所在之處。即為有佛。
若尊重弟子。

註。隨說隨順衆生。而為說法。心無分

別也。此處即此心也。世間。世上之人。
天人。天上之人。阿修羅。阿無也。羅衆
也。即不修之衆生。魔王等類是也。殞
佛之身。為塔。供佛之像。為廟。尊重弟
子。弟子中之可尊可重者。若諸菩薩
是也。

講。上言持說福德。勝於布施。則經不

可不說。故佛又呼須菩提曰。經功甚大。不可思議。如有善信之人。隨順衆生。高下逢凡。說凡逢聖。說聖為之講解。是經。乃至四句偈等。多方演說。當知說經一偈之處。一切世間。天上阿修羅。皆當以香花瓔珞。幢旛寶蓋。香油酥燈。恭敬供養。是人如藏佛身之

塔與供佛像之廟一般。何況有人盡能受持讀誦。一經全文者乎。須菩提。當知是人所成就者。為世間第一希有之法。蓋是經所在之處。便是佛在之處。人能清淨奉持。即與佛無異。與可尊可重之弟子。諸大菩薩無異矣。

如法受持分第十三

當如此法
承受行持

爾時須菩提。白佛言。世尊。當何名此經。
我等云何奉持。佛告須菩提。是經名為
金剛般若波羅密。以是名字。汝當奉持。
所以者何。須菩提。佛說般若波羅密。即
非般若波羅密。是名般若波羅密。須菩
提。於意云何。如來有所說法不。須菩提。
白佛言。世尊。如來無所說。須菩提。於意

云何三千大千世界。所有微塵。是為多
不。須菩提言。甚多。世尊。須菩提。諸微塵。
如來說。非微塵。是名微塵。如來說。世界。
非世界。是名世界。須菩提。於意云何。可
以三十二相。見如來不。不也。世尊。不可
以三十二相。得見如來。何以故。如來說。
三十二相。即是非相。是名三十二相。須

菩提。若有善男子。善女人。以恒河沙等
身命布施。若復有人。於此經中。乃至受
持四句偈等。為他人說。其福甚多。

註。微塵。塵中之微者。譬衆生妄念之
多也。佛分身成化於諸世界之中。示
現無邊大神力。使一切衆生。在塵離
塵。在世出世。故云。非微塵。非世界。三

十二相莊嚴端好。指全身而言。俗本
謂頭如何。脚如何。未免太拘。蓋佛不
一佛。相不一相。故也。末言布施不如
持經。重言以結上文之意。

講。須菩提。白佛言。世尊。持說是經。成
就希有之法。既聞命矣。不識此經。當
以何命名。我等云何受持乎。願明以

教我佛曰。須菩提。是經當名為金剛般若波羅密。蓋明是經者。其智慧如金剛之堅利。斷絕外妄。直達諸佛菩薩之彼岸也。以是名字。汝其尊奉而持守之。然真性本空。無可執著。智慧達彼岸之說。吾性中亦豈有是哉。何以故。須菩提。佛所說般若波羅密。寔

非般若波羅密。不過虛名為般若波羅密。以引誘衆生耳。真性本來清淨。如此則知一切諸法。總屬外相。更有何法可說乎。吾試問爾。如來有所說法否。須菩提曰。如來萬法皆空。有何可說。即不得已而有說。亦與無說等也。佛曰。須菩提。於意云何。三千大千

世界所有微塵。是為多否。須菩提曰。甚多。世尊。佛曰。須菩提。我今明言告汝。微塵雖多。而無定體。世界雖大。數盡則壞。皆為虛妄。如來所說微塵。非真寔微塵。是虛名為微塵。如來所說世界。非真寔世界。是虛名為世界。惟真性至真至寔。自古及今。無變無壞。

也。夫真性。即法相。非身相也。佛恐須
菩提不解。故又曰。須菩提。於意云何。
可以三十二相。見如來否。須菩提曰。
不也。世尊。不可以三十二相。見如來。
佛曰。三十二相。乃現具之色身。而不
可以此。見如來者。此何故哉。蓋如來
雖現色身。涅槃則盡。不能久存。如來

說三十二相。非真寔相。是虛名為三十二相。由斯以觀。色身既屬空虛。則著相布施。獲福寧有幾何。益信持說之福勝矣。須菩提。若有善男子。善女人。捨身命布施。併恒河沙布施。俱屬著相因果。何益於事。若復有人。於此經中。乃至受持四句偈等。為他人說。

自利利他其福甚多。可見人法兩空。
吾前言所謂不著相布施於此益信
矣。

離相寂滅分第十四

離諸形相
自得寂滅

爾時須菩提聞說是經。深解義趣。涕淚
悲泣。而白佛言。希有世尊。佛說如是甚
深經典。我從昔來。所得慧眼。未曾得聞。

如是之經。世尊。若復有人。得聞是經。信
心清淨。即生寔相。當知是人。成就第一
希有功德。世尊。是寔相者。即是非相。是
故如來。說名實相。世尊。我今得聞如是
經典。信解受持。不足為難。若當來世。後
五百歲。其有衆生。得聞是經。信解受持。
是人。即為第一希有。何以故。此人無我。

相。無人相。無衆生相。無壽者相。所以者何。我相。即是非相。人相。衆生相。壽者相。即是非相。何以故。離一切諸相。即名諸佛。佛告須菩提。如是如是。若復有人。得聞是經。不驚不怖。不畏。當知是人。甚為希有。何以故。須菩提。如來說第一波羅密。即非第一波羅密。是名第一波羅密。

須菩提。忍辱波羅密。如來說。非忍辱波
羅密。是名忍辱波羅密。何以故。須菩提。
如我昔為歌利王。割截身體。我於爾時。
無我相。無人相。無衆生相。無壽者相。何
以故。我於往昔。節節支解時。若有我相。
人相。衆生相。壽者相。應生瞋恨。須菩提。
又念過去於五百世。作忍辱仙人。於爾

所世。無我相。無人相。無衆生相。無壽者相。是故須菩提。菩薩應離一切相。發阿耨多羅三藐三菩提心。不應住色生心。不應住聲香味觸法生心。應生無所住心。若心有住。即為非住。是故佛說菩薩心。不應住色布施。須菩提。菩薩為利益一切衆生。故應如是布施。如來說一切

諸相。即是非相。又說一切衆生。即非衆
生。須菩提。如來是真語者。寔語者。如語
者。不誑語者。不異語者。須菩提。如來所
得法。此法無寔無虛。須菩提。若菩薩心
住於法。而行布施。如人入暗。即無所見。
若菩提心不住法。而行布施。如人有目。
日光明照。見種種色。須菩提。當來之世。

若有善男子。善女人。能於此經。受持讀誦。即為如來。以佛智慧。悉知是人。悉見是人。皆得成就。無量無邊功德。

註。寔相法身也。前屢言福德。此獨言功德者。蓋功成果滿。福不足道也。波羅密有十種。一布施。二持戒。三忍辱。四精進。五禪定。六智慧。七慈。八悲。九

方便十不退。今云第一波羅密者。指
布施而言也。非第一波羅密者。拂去
假名。不住於相也。下言非忍辱波羅
密。亦是此意。梵語歌利王。華言無道
極惡君也。歌者慧也。利者刀也。王者
心也。是用慧刀。斷除無明煩惱之心
也。割截支解等句。俱係喻意。不可認

作寔有其事。應生無所住心者。謂凡有住著處。不得起心也。此即第十分之義。而推廣言之。

講上言受持之法。爾時須菩提深解無相義趣。涕淚悲泣。傷值遇之晚。白佛言。希有世尊。佛說如是甚深經典。我從昔來修行。雖具慧眼。聞法甚多。

未曾有如是之妙者。世尊。若復有人
得聞是經。生篤信心。湛然清淨。則色
身中有法身。即生如來寔相。此人成
就功德。誠為第一希有。世尊。是寔相
者。譬若太虛。若謂有相。即是非相。是
故如來所說寔相。總屬鏡花水月。豈
真有寔相之可名哉。世尊。我今聞是

經典信而不惑。解而不疑。受而不辭。持而不厭。不足為難。若當來世五百歲後。其有衆生。聞是經者。亦能信解受持。此人即為第一希有。何也。此人依是經修行。屏除妄念。不著諸相。無我相。無人相。無衆生相。無壽者相。所以者何。我相即是非相。人相衆生相。

壽者相。即是非相。何以故。蓋了悟四相皆空。方能離一切諸相。成無上菩提。名為諸佛不難矣。佛曰。須菩提。信如爾之言也。蓋大乘之法。非具大乘根器者。聞之未免驚焉。而恐懼不寧。怖焉。而憂疑不定。畏焉。而退縮不前。若不驚。不怖。不畏。諦聽受持。永無退。

轉此人甚為希有。何以故。如來到彼岸之法。第一曰。布施。次則曰。忍辱。如來有布施之名。而不著布施之相。是知如來所說第一波羅密。即非第一波羅密。不過假名為第一波羅密而已。如來有忍辱之名。而不著忍辱之相。是知如來所說忍辱波羅密。即非

忍辱波羅密。不過假名為忍辱波羅
密而已。由斯以觀人。苟不驚。不怖。不
畏。則布施忍辱二相皆空。諸相從此
俱空。謂為希有。寧為過與。即如我昔
日。曾為歌利王。割截身體。若非得無
相妙義。則被伊節節支解時。應生瞋
恨心。乃我則毫無瞋恨。以忍辱為身

復如故。非惟無苦。且復樂也。然忍辱
豈僅一世哉。又念過去五百世後。作
忍辱仙人。於爾所世。雖遇外侮。亦無
我相。人相。衆生相。壽者相。此豈獨我
然哉。須菩提。凡屬吾教之諸菩薩。俱
應離一切相。發無上正等正覺心。不
應住於色而生心。不應住於聲香味。

觸法而生心。應生無所住之心。若心有住。則住非所當住。即為非住。而非菩薩之心矣。所以古之如來。嘗有言曰。菩薩之心。莫不欲布施。但衆苦之本。眼根不淨。為先。不應住於色。而為之布施也。須菩提。菩薩布施。原為利益一切衆生。若心住於色。便是眼有

財物。則布施有時而窮。故應如是無住相布施。方獲真利益。然心無住矣。若稍存施受之念。終為著相。故如來常說一切諸相。畢竟虛妄。而非真寔。即是非相。又說一切衆生。能悟真空。離衆生相。即非衆生。須菩提。如來此語。是真語。而非假也。是寔語。而非虛。

也是如語。而當理也。是非誑語。而欺人也是非異語。而駭聽也。夫一切諸相。既非真性所有。則一切諸法。又豈真性所有哉。須菩提。如來所得法。為衆生而說。原非真寔。然又不可不藉此以悟真性。又非虛假。有而不有。無而不無。真空之妙如此。須菩提。若菩

薩之心。住於法而行布施。則教化衆
生。無由開悟。如人入暗室。昏昏冥冥。
一無所見。若菩薩之心。不住於法而
行布施。則教化衆生。皆得開悟。如人
有目。又得日光。明照種種諸色。無不
畢見。夫真空無相。莫如此經。須菩提。
當來之世。若有善男子。善女人。能於

此經受持讀誦。非但為口耳之功。抑亦究心學之妙。即為如來所眷顧。用無上智慧。知見是人。而昭鑒之。不但利於一身。且將普於羣生。不但利於一時。且將及於千萬億劫。而無量無邊功德。皆得成就矣。

持經功德分第十五

受持此經功德無量

須菩提。若有善男子。善女人。初日分。以恒河沙等身布施。中日分。復以恒河沙等身布施。後日分。亦以恒河沙等身布施。如是無量百千萬億劫。以身布施。若復有人。聞此經典。信心不逆。其福勝彼。何況書寫受持讀誦。為人解說。須菩提。以要言之。是經有不可思議。不可稱量。

無邊功德。如來為發大乘者說。為發最
上乘者說。若有人能受持讀誦。廣為人
說。如來悉知是人。悉見是人。皆得成就
不可量。不可稱。無有邊。不可思議功德。
如是人等。即為荷擔如來阿耨多羅三
藐三菩提。何以故。須菩提。若樂小法者。
著我見。人見。衆生見。壽者見。則於此經。

不能聽受讀誦。為人解說。須菩提。在在處處。若有此經。一切世間。天人阿修羅。所應供養。當知此處。即為是塔。皆應恭敬。作禮圍遶。以諸華香。而散其處。

註。信心不逆者。生篤信心。不相違背也。乘車也。阿羅漢。獨了生死。不度衆生。謂之小乘。緣覺之人。半為人。半為

已謂之中乘。菩薩普度一切。謂之大
乘。發猶啟也。最上乘者。兼菩薩而載
度之。佛乘也。荷擔仔肩之意。樂好也。
小法。外道也。諸華香。即法華經所載
末利。青蓮。白蓮等香是也。

講佛恐世人執忍辱之說。徒以身布
施。墮入貪癡障中。故呼須菩提曰。若

有善男子。善女人。初日分。寅卯辰時。
以恒河沙等身命布施。中日分。巳午
未時。復以恒河沙等身命布施。後日
分。申酉戌時。亦以恒河沙等身命布
施。如是一日三分。歷無量百千萬億
劫。以身行布施。世間所斷無之事。即
有之。亦不過得世間福耳。若復有人

聞是經典。信之於心。順而不逆。其所
得之福。尚勝於彼。何況更能書寫。受
持讀誦。為人解說者乎。須菩提。要而
言之。此經不可以心思。不可以口議。
不可以器物稱量。功德廣大。無有邊
際。然非遇發大乘心。發最上乘心者。
如來斷不與之說也。若果有人受持

讀誦逢凡說凡逢聖說聖廣為闡發。
使後學各見性中無相之理。則是人
心即是佛。佛即是心。如來佛智。佛慧。
悉知之。悉見之。皆得成就。不可量。不
可稱。無有邊。不可思議功德。如來無
上菩提。不難以一身荷擔之矣。豈樂
小法者。所可同日語哉。蓋樂小法之

人迷於外道。恒著我見。人見。衆生見。壽者見。即於此經。不能聽受。讀誦。爲人解說。不知此經。普度一切。至微至妙。須菩提。在在處處。有此經典。便如摩尼寶珠。瑞光燦爛。一切世間。凡在天道。人道。阿修羅道者。莫不至心供養。當知此處。與藏佛真身。舍利寶塔。

一般皆應恭敬。作禮圍遶。以諸華香。而散其處。所謂一人辦心。諸天辦供者。此類是也。



金剛般若波羅密經直解

卷上

